

# 少極圖



道藏輯要

易說圖解

七

壁集一

少極者一奇立於其中二偶分於左右陽氣屈曲於其下積氣  
 尚微生機尚伏故謂之少也但陽既動而輕清者上浮陰既靜  
 而重濁者下沉則天氣升而生化地氣降而化生由是一元真  
 炁充塞兩間生生不窮化源具備已如陽始生為水水尚柔弱  
 必至生木而氣始強盛陰始生為火火尚微渺必至鍊金而力  
 始堅固故水為陽之稗木為陽之盛火為陰之稗金為陰之盛  
 也老陽老陰不能復生必得少陽少陰而後能成生育之功少  
 極繼生生於太極之後者豈非為三才之朕乎